



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbtd@jtbtd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbtd@jtbtd.ba

Broj: T18 0 KT 0014515 21

Brčko, 14. septembar .2021. godine

Na osnovu člana 35. stav 2. tačka ž) i člana 226. stav 1. Zakona o krivičnom postupku Brčko distrikta BiH, podižem

OPTUŽNICU

Protiv:

M.D. ...

Što je:

Dana 02. novembra 2017. godine oko 14,10 sati, na državnom putu prvog B reda na dijelu puta Badovinci-Klenj, u mjestu Badovinci, Republika Srbija, nakon konzumiranja alkohola tokom prethodne večeri i tog dana, očigledno nesposoban za sigurnu vožnju, u stanju prolazne duševne poremećenosti izazvane akutnim alkoholiziranim stanjem srednjeg pijanstva, po tipu običnog pijanstva, sa količinom alkohola u krvi od 1,75 grama/kilogramu, protivno odredbi člana 187. stav (1) i (2) Zakona o bezbjednosti saobraćaja na putevima Republike Srbije, svjestan da u takvom stanju može ugroziti saobraćaj i dovesti u opasnost život ili tijelo ljudi na što je i pristao, pa je tako otpočeo upravljanjem vozilom marke VW Passat reg oznaka ..., u kom se na mjestu suvozača nalazio V.D., krećući se brzinom od 88 km/h, pa kada je došao u mjesto Badovinci, protivno odredbi člana 34. stav (1) i 35. stav (1) Zakona o bezbjednosti saobraćaja na putevima Republike Srbije, usljed takvog alkoholiziranog i psihofizičkog stanja gdje se kao posljedica javlja upadljivo popuštanje aktivne pažnje sa bezobzirnim i nekritičnim ponašanjem, te oslabljene senzomotorike, organa vida i sluha, propustio za kretanje vozila koristiti isključivo kolovoz odnosno saobraćajnu traku u smjeru svog kretanja, kada je na udaljenosti oko 100 metara od lijeve krivine, prešao na suprotnu kolovoznu traku i sletio sa kolovoza u lijevu stranu kada je udario čeonim lijevom dijelom vozila u zemlju nakon čega se vozilo obrnulo po uzdužnoj osi za 180 stepeni, te se prevrnuo na lijevu bočnu stranu, usljed kog slijetanja i obrtanja vozila je suvozač V.D. zadobio višestruke teške tjelesne povrede sa trajnom posljedicom u vidu luksacionog prijeloma vratne kralježnice u nivou C6 i C7 segmenta sa sljedstveno nastalim oštećenjem vratne leđne moždine i nastanka oduzetosti udova, posebno donjih u vidu nemogućnosti hodanja (kvadri i tetraplegija kao najteži oblik oštećenja kralježnice) posljedično čemu je došlo do teške obostrane upale pluća kao komplikacije povređivanja vratne kralježnice, usljed čega je došlo do kontinuiranog pogoršanja zdravstvenog stanja V.D. pa tako i nastupanja smrti dana 16.januara 2018. godine,

dakle, pod utjecajem alkohola upravljao motornim vozilom, iako je zbog toga bio očito nesposoban za sigurnu vožnju i time tako ugrozio saobraćaj da je doveo u opasnost život ljudi i time prouzrokovao smrt neke osobe,

čime je počinio krivično djelo – Teška krivična djela protiv bezbjednosti javnog saobraćaja – iz člana 330. stav (2) u vezi sa članom 327. stav (1) Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
